

PABRON COUGH TABLET

Carbocisteine (375mg)

Apakah yang ada pada risalah ini

1. Apakah kegunaan PABRON COUGH TABLET
2. Bagaimana PABRON COUGH TABLET berfungsi
3. Sebelum mengambil PABRON COUGH TABLET
4. Cara menggunakan PABRON COUGH TABLET
5. Semasa menggunakan PABRON COUGH TABLET
6. Kesan-kesan sampingan
7. Cara penyimpanan dan pelupusan PABRON COUGH TABLET
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang PABRON COUGH TABLET. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda mengambil PABRON COUGH TABLET berbanding manfaat yang mereka jangkakan untuk anda.

Simpan risalah ini bersama ubat.

Anda mungkin perlu membacanya lagi.

Apakah kegunaan PABRON COUGH TABLET

PABRON COUGH TABLET membantu ekpektorasi dengan mengurangkan kelikatan kahak dan oleh itu mencair dan menghilangkan kahak serta melegakan batuk.

Bagaimana PABRON COUGH TABLET berfungsi

Carbocisteine adalah mukolitik. Ia mengubah struktur mukus dan mengurangkan kepekatannya untuk memudahkan penyingkiran atau pemuangan kahak.

Tanya ahli farmasi atau doktor anda sekiranya anda mempunyai sebarang pertanyaan tentang ubat ini.

Sebelum mengambil PABRON COUGH TABLET

-Bila tidak boleh mengambil

Jangan mengambil PABRON COUGH TABLET:

- jika anda alah kepada Carbocisteine atau mana-mana bahan dalam ubat ini.
- Jika anda mempunyai ulser gastrik atau duodenum aktif.

-Sebelum mula mengambil

Maklumkan ahli farmasi atau doktor anda:

Kehamilan dan Penyusuan:

- Keselamatan penggunaan Carbocisteine semasa kehamilan dan menyusu belum dibuktikan.
- Tanya doktor atau ahli farmasi anda untuk mendapatkan nasihat sebelum pengambilan ubat ini sekiranya anda hamil atau menyusu bayi.

-Jika mengambil ubat-ubat lain

Maklumkan ahli farmasi atau doktor anda sekiranya anda sedang mengambil apa-apa produk lain (misalnya ubat yang dibeli tanpa preskripsi doktor, ubat yang dipreskripsikan dan produk-produk herba).

Sepanjang rawatan, jangan ambil ubat-ubatan anti-batuk lain atau apa-apa ubat yang mengeringkan rembesan saluran pernafasan.

Cara menggunakan PABRON COUGH TABLET

-Berapa banyak harus digunakan

Dewasa & Kanak-kanak berumur selepas 12 tahun:
2 tablet

Jangan berikan ubat ini kepada kanak-kanak yang berumur bawah 2 tahun.

-Bila perlu digunakan

PABRON COUGH TABLET boleh diambil tiga kali sehari atau seperti yang diarahkan oleh doktor atau ahli farmasi anda.

-Berapa lama perlu digunakan

Tempoh rawatan harus singkat dan tidak melebihi 5 hari.

-Jika terlupa menggunakan

Ambil dos yang terlepas sebaik sahaja anda mengingatnya. Jika ia menghampiri waktu untuk dos anda yang berikutnya, langkau dos yang terlepas dan ambil ubat seperti biasa. Jangan menggandakan pengambilan dos untuk menggantikan dos yang ketinggalan.

-Jika mengambil berlebihan (terlebih dos)

Jika anda mengambil terlalu banyak ubat ini, rujuk kepada doktor atau ahli farmasi anda. Bawa sebarang baki ubat bersama anda.

Semasa menggunakan PABRON COUGH TABLET

-Perkara yang perlu dilakukan

Jika anda bersedia untuk memulakan pengambilan ubat baru yang lain, maklumkan ahli farmasi atau doktor anda yang anda sedang mengambil PABRON COUGH TABLET.

-Perkara yang tidak boleh dilakukan

Jangan mengambil lebih daripada dos yang disyorkan melainkan dibenarkan oleh doktor anda.

Jangan memberi PABRON COUGH TABLET kepada sesiapa, walaupun mereka mempunyai simptom atau keadaan yang sama.

-Perkara yang perlu diberi perhatian

Ubat ini mungkin mengganggu keupayaan anda untuk memandu atau mengendalikan jentera, Jika ubat ini menyebabkan anda terasa loya, pening, letih, atau sakit kepala, jangan memandu atau mengendalikan jentera dan hubungi doktor anda dengan segera.

Kesan-kesan sampingan

PABRON COUGH TABLET boleh mendatangkan kesan sampingan yang tidak diingini pada segelintir orang. Semua ubat boleh mendatangkan kesan sampingan. Kadang kala ia serius, walau bagaimanapun, kebiasaannya ia tidak serius.

Hentikan pengambilan ubat ini dan rujuk kepada doktor anda dengan segera sekiranya anda mengalami sebarang kesan sampingan: loya, ketidakselesaan perut, pendarahan gastrousus dan ruam kulit.

Ini bukan satu senarai lengkap kesan-kesan sampingan yang mungkin berlaku. Jika anda mendapati kesan lain yang tidak disenaraikan di atas, hubungi doktor atau ahli farmasi anda.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel: 03-78835549, atau laman web npra.moh.gov.my (*Public* → *Reporting Side Effects to Medicines (ConSERF) or Vaccines (AEFI)*).

Cara penyimpanan dan pelupusan PABRON COUGH TABLET

-Penyimpanan

Simpan di bawah suhu 30°C dan jauhi dari tempat panas. Jauhi daripada kanak-kanak.

-Pelupusan

Lupuskan ubat selepas tarikh luput. Sila dapatkan nasihat ahli farmasi tentang cara pelupusan sebarang ubat yang tidak digunakan lagi.

Maklumat lanjut

-Rupa dan warna

PABRON COUGH TABLET adalah tablet bujur berwarna kuning, berukuran 15mm x 7mm, dengan logo 'TAISHO' yang timbul, tiada garis skor dan kosong di permukaan lain dalam pek bergelembung 2 X 10 tablet.

-Bahan-bahan kandungan

-Bahan-bahan aktif:
Setiap tablet mengandungi 375mg Carbocisteine.

-Bahan-bahan tidak aktif:
Magnesium Stearate, Sodium Starch Glycolate, Silicone Dioxide, Maize Starch, Pregelatinized Maize Starch, Colour Powder Quinoline Yellow dan Purified Water.

-Nombor MAL: MAL06041437XC

Pengilang

Xepa-Soul Pattinson (M) Sdn Bhd
1-5 Cheng Industrial Estate
75250 Melaka,
Malaysia.

Pemegang Pendaftaran Produk

HOE Pharmaceuticals Sdn. Bhd.
Lot 10, Jalan Sultan Mohd. 6,
Bandar Sultan Suleiman,
42000 Port Klang, Selangor,
Malaysia.

Tarikh kemaskini RiMUP

08/05/2018

Nombor Siri:

NPRA(R4/1)070518/00141